

ORDENANZA FISCAL NÚM. 120**TAXAS POLA PRESTACIÓN DO SERVIZO DE COMIDA NO FOGAR****ARTIGO 1º. CONCEPTO**

En uso das facultades concedidas nos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das bases do réxime local, e de conformidade co disposto nos artigos 15 a 19 do Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais, e artigo 81 da Lei 5/1997, do 22 de xullo, da Administración Local de Galicia, este Concello establece as taxas pola prestación do servizo de comida no fogar na presente ordenanza, as normas da cal atenden ó prevido nos artigos 20.4 e 57 do citado Real decreto lexislativo 2/2004, do 5 de marzo, polo que se aproba o texto refundido da Lei reguladora das facendas locais.

ARTIGO 2º. FEITO IMPOÑIBLE

Constitúe o feito imponible desta taxa a prestación do servizo de comida no fogar.

ARTIGO 3º. SUXEITOS PASIVOS

Son suxeitos pasivos, obrigados ao pagamento destas taxas quen se beneficien da prestación do servizo de comida no fogar en función da súa capacidade económica. No caso de que as persoas anteriores carezan de capacidade de obrar, a obriga recaerá sobre quen ostente a súa representación legal.

ARTIGO 4º. OBRIGA DE PAGAMENTO DO SERVIZO

Estarán obrigados ó pagamento as persoas usuarias do servizo municipal de comida no fogar na contía que resulte de aplicación segundo a presente taxa, tendo en conta que o pagamento é unha contribución ó custo do servizo recibido en función da capacidade económica; a concesión do servizo prodúcese en aplicación do baremo de acceso que ten en conta os criterios técnicos ademais dos económicos.

ARTIGO 5º. COTA

1. A contía da taxa estará determinada pola:

- a) Duración do servizo concertado.
- b) Capacidade económica das persoas usuarias do servizo:

A determinación da capacidade económica das persoas que accedan ó servizo realizarase conforme ós seguintes criterios:

a) Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2. da Lei 35/2006, do 28 de novembro, do imposto sobre a renda das persoas físicas.

b) Computarase así mesmo o patrimonio neto de todas as persoas residentes na unidade de convivencia. Para estes efectos enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos.

c) A capacidade económica calcularase sumando todas as rendas computables, modificadas á alza pola suma dun 5% do patrimonio neto en cómputo anual, e dividindo o resultado da dita suma entre o total de persoas que convivan no fogar.

Para o cómputo da renda ou do patrimonio teranse en conta os datos correspondentes a última declaración fiscal dispoñible ou pensión coñecida así como a declaración responsable do patrimonio cumplimentada polo usuario/a ou o seu representante.

d) A cota mensual que haberá que pagar será a resultante de multiplicar o número de comidas servidas pola taxa que corresponda, segundo a seguinte escala:

Ingresos iguais ou inferiores ó 80%IPREM (Indicador público de renda de efectos múltiples)	EXENTOS
Ingresos superiores ó 80% e ata o 130% do IPREM	1,03 €/comida
Ingresos superiores ó 130% e ata o 150% do IPREM	2,06 €/comida
Ingresos superiores ó 150% e ata o 200% do IPREM	3,09 €/comida
Ingresos superiores ó 200% e ata o 250% do IPREM	4,12 €/comida
Ingresos superiores ó 250% do IPREM	4,71 €/comida

En calquera caso establecerase un límite máximo de participación económica das persoas usuarias do 40% da súa capacidade económica.

Poderán establecerse excepcións aos criterios xerais do referido copagamento, nos casos en que a situación causante da aplicación do servizo de axuda no fogar (mediante a prestación do servizo específico de xantar no fogar) sexa unha problemática de desestruturación familiar, exclusión social ou pobreza infantil, circunstancia que deberá estar debidamente xustificada no correspondente informe social.

ARTIGO 6º. PROCEDIMENTO DE PAGAMENTO

As taxas reguladas nesta ordenanza devengaranse no momento en que se outorgue a prestación do servizo.

O pagamento do servizo efectuarase mensualmente. O non pagamento de dúas cotas consecutivas determinará a interrupción do servizo e será causa de extinción o non pagamento de tres cotas consecutivas.

A persoa usuario/a deberá comunicar as ausencias cun mínimo de 10 días de antelación ó/á responsable municipal, a excepción das ausencias obrigadas

(hospitalización) que en todo caso deberán estar debidamente xustificadas, en caso contrario procederase ó cobro das comidas correspondentes a dito período.

ARTIGO 7º. INFRACCIONES E SANCIONES

No relativo a infracciones tributarias desta Ordenanza será de aplicación a Ordenanza Fiscal Xeral, Lei Xeral Tributaria e restante normativa de aplicación.

DISPOSICIÓN FINAL

A presente ordenanza entrará en vigor o día da súa publicación no Boletín Oficial da Provincia, comenzará a aplicarse o 1 de xaneiro de 2018, e permanecerá en vigor ata a súa modificación ou derogación expresa²².

²² O texto da ordenanza transcrita, é o da súa redacción vixente, integrada coas modificacions aprobadas polo Concello Pleno mediante acordo de data 26 de outubro de 2017, para rexer a partir do 1 de xaneiro de 2018 (Boletín Oficial da Provincia de Lugo núm. 295 do 27/12/2017).